



05.november 2020

UKA2020/167

Nunani Avannarlerni Killerni “Immamik Minguitsuititsinermut Nersornaammik” pilersitsinissamik aningaasaliinissamillu taperseeqqullugit Savalimmiumi, Kalaallit Nunaanni aamma Islandimi Naalakkersuisut Nunat Avannarliit Killiit Siunnersuisoqatigiiffiannit kaammattorneqarput, taanna piujuaannartitsinermik tungaveqarluni immamit pisuussutinik aqutsinissamik atuinissamillu kisalu immami avangiisit peqqissuunissaasa pisuussuteqarluarnissaasalu nukittorsarneqarnissamik immikkut suliniuteqartunut iliuseqartunullu tunniunneqartassaaq.

(Aallartitat siulittaasuat Vivian Motzfeldt)

Nunani avannarlerni killerni ilisarnaassuatta pingaarnersaata ilagaat ataasimoorluta imartatsinnik inuussutissarsiortuullutalu atuisuugatta. Nunarisatta inuussutissarsiuutaattut pingaarnertut imartatsinnit atuinitsinni qitiuvoq taamaammallu imartatta tunniussinnaasai inuunitsinni pingaartilluin-nagaraavut.

Arfanniarneq, aalisarnej aammalu imartatigut angalaarneq pilinerlu inooriaasitta ilisarnaataasa ilagaat, taakkuulluta ilisarnaatigisarput.

Ukiuni kingullerni silaannaap allanngoriartornerata kingunerisaata ilagaat nunarsuarmioqatitta is-sittumut, tassalu tungitsinnut, assut isiginiarnerat.

Nunatut minguitsuititsinissamut pisussaaffeqarpugut aammalu iliuseqataajumavugut minguit-sumik imartaqarlutalu avangiiseqarnissatsinnut. Pisussaaffik tamanna nunatta pingaartutut isigaat aammami taamaattussaavoq.

Siorna nunaqqativut nunani avannarlernit nersorniarneqarput nungusaataannngitsumik avangiisi-millu immikkut ataqqinnittuunerat pillugu. Puigorneqannngisaannarli tusaratsigu qanoq inuiattut sin-nerlugit aamma tulluusimaartigisugut, kaammattuillutalu suli amerlanerit taakutulli eqqarsassasut. Siunnersuutip uuma pisussaaffilissuaatigut nunatut imartatsinnut ataqqinninnerusumik iliuseqataaanissatsinnut, tassalu minguitsuititsinissamut aammalu akisussaaqataanissamut iliuseqarnissatsinnut. Isumaqarpunga ullutsinni qassutikut, ningittagakut, karsikut, qisukut, gum-mikut, puusiakut dunk-ikorpasuillu sineriatinni takussunaannaratik alianaatsorsuarmik minguitsu-millu nunaqarluta oqartarnitsinnut akerliulluinnartuusoq.

Iliuusissat tikilluaqqunaqaat. Iliuusissat pingaaruteqaqaat aammalu iliuusissat nersorinninnermik tungaveqartut tikilluaqqunaqaat.

Nunatta Qitornai

Inatsisartuni



Siunnersuuteqarnikkut periarfississuaatigut aamma nunaqqatigiittut iliuusseqaqqatigiinnissamut aammalu avatangiisitta ataqqinarnerusumik isigallugu iliuuseqarnissamut aqqutissaalluurtut pingaaruteqartut ilaattut isigaarput.

Naalackersuisut akissuteqaateqarnermikkut erseqqissaassutigaat, soorlu aamma siuliani akissuteqaateqarnerminni oqartut maannakkoqqinnaaq nualluussuup aningaasatigullu unamminartorsiortitsinera peqqutaalluni ullut oqinnerusut atulerfiani tamanna atuutilersinneqarsinnaasoq isumaqarpugut una nersorinninniarluni iliuusissatut tikkuussisut utaqqissunneqarani atuutilernissanut sulisoqartariaqartoq.

Kajumilersitsinissaq aammalu akisussaaqataatitsinissaq utaqqissunneqarsinnaanngitsoq isumaqarpunga, siunnersuullu avatangiisinut ataatsimiititaliamut innersuupparput.